

Donacion di placa a baha hopi durante ultimo añanan

Imeldahof a sinti drasticamente cortamento den nan presupuesto



ORANJESTAD - Directora di Imeldahof, sra. Natalia Hernandez a bisa cu como fundacion nan ta canando basta bon, pero logicamente manera otro

fundacion, nan tin nan necesidad financiero.

Nan ta haya hopi ayudo ainda di e comunidad di Aruba, pero esaki ta wordo refleha mas tanto den e parti di donacion di cuminda y paña. Pero sra. Hernandez a indica cu loka tin di haber cu donacion di placa, si a baha hopi durante e ultimo añanan.

"Nos ta compronde cu dor di e situacion cu tin na Aruba y mundialmente", el a bisa. P'esey considerando cu prijsnan di cierto productonan a subi, nan tin cu wak bon con nan ta maneha nan presupuesto. "Esaki ta un parti cu nos tin cu traha hopi ariba dje pa nos

keda mantene nos mes na e budget y keda ofrece e guia di calidad cu nos kier brinda na nos muchanan", segun sra. Hernandez.

Presupuesto limita

Actualmente 31 mucha cu ta kedando cerca Imeldahof y nan tin e parti cu nan lo por aloca 51 mucha. Nan sa cu tin mas muchanan cu tin e necesidad pa un ayudo. Pero esey ta depende di e instancianan concerni cu ta aloca e muchanan cerca nan. Imeldahof ta brinda acogida temporalmente pa mucha homber di 6 te cu 14 aña; y mucha muhe te cu 18 aña.

Tambe Imeldahof como otro fundacion cu ta traha riba e veld social, nan presupuesto a wordo corta. Nan ta sinti esaki drasticamente y p'esey directora di e fundacion aki a enfatisa cu esaki ta rekeri un maneho stricto riba nan bud-

get.

Sinembargo a pesar di e presion di maneha un presupuesto basta limita, esaki no ta kita cu nan ta sigui brinda tur loka nan clientenan ta merece encuan to di nan guia y actividadnan di tur dia cu nan tin cu brinda na nan. Nan ta duna ya sea e guia individual na e mucha den periodo cortico pa asina e mucha por bay bek den nan seno familiar of nan ta bay na un famia di criansa.

Muchanan interna

E muchanan interna den Imeldahof ta debi na diferente circunstancia cu nan no por keda mas biba cerca nan famia. E circunstancia aki lo por ta abuso di mucha, problema di comportacion di e mucha, abuso d droga y alcohol dor di mayornan, negligencia of maltrato di muchanan.

"Mi tin cu bisa cu pa e muchanan nos ta haci lo maximo pasobra e muchanan ta yega na prome luga cerca nos, y na bienestar di nan nos ta traha", el a bisa.

Un punto cu sra. Hernandez kier trece dilanti cu Imeldahof como interna cu ta existi caba pa 61 aña nan tin cu bay bek den comunidad pa trece mas encuan to nan trabou cu nan ta brinda na bienestar di nos muchanan mas vulnerabel. Di e forma aki e ta kere cu e fundacion aki lo por haya mas atencion pa sigui haya ayudo di comunidad. Nan como fundacion ta depende di subsidio di gobierno, pero nan ta para cu e fundacion mes mester traha riba e tereno cu nan lo por logra hopi mas dor di bay na comunidad y trece ayudo cu nan mester. □

Imeldahof lo organisa su caminata pa stop abuso contra mucha

ORANJESTAD - Den cuadro di nan 61 aña di existencia, fundacion Imeldahof ta organisando nan 12 caminata cu nan ta yama como "Breakfasts & Walk". Aña pasa alrededor di 200 hende a participa y e meta e aña aki ta cu e cantidad di participante lo surpasa 300 hende.

E lema di e caminata aki ta: "Take Action Stop Abuse". E aña aki nan a bin cu e caminata contra abuso di mucha pa conscientisa nos comunidad encuan to e problematica aki cu ta sosode ariba nos isla. Pero tambe pa informa riba unda nan por haya yudansa pa atende cu caso di abuso di mucha.

Tur hende bin bisti cu algo estilo militar ya sea un short of blusa di guera ya cu e lema cu nan ta bay cun'e ta esun di combati e abuso contra nos muchanan. "Nos ta invita henter pueblo pa bin bisti



na e trahe aki cu ta e parti di guera...", el a bisa.

Abuso contra mucha

Segun directora di Imeldahof, sra. Nathalia Hernandez, a declara cu nan ta haya muchanan cu ta wordo abusa

tambe, y tambe cu nan ta wordo negligencia. Pues pa diferente motibonan e muchanan ta drenta na Imeldahof, el a laga sa.

Pa tal motibo nan ta organisando nan tradicional caminata dia 22 di november awor

pa asina nan por logra conscientisa mas nos pueblo contra cualkier abuso cometi contra un menor.

Trahado di guia di Imeldahof, Joanne Maduro a informa cu e caminata aki cu lo tuma luga

dia 22 di november cu lo sali fei di Imeldahof mes y lo termina den e mesun luga aki. E ta cuminsa 6'or di mainta pero e inscripcion lo cuminsa 5'or di mainta.

E contribucion di cada participante ta 13 florin cu ta inclui un T-shirt y un desayuno. Despues di e caminata lo tin e desayuno pa 9'or di mainta. Lo tin despues e mercado di purga y diferente actividad te cu 11'or di mainta.

E ta un caminata di 7km y despues di e actividad aki nan lo bay tin un mercado di purga. "Nos ta pidi tur hende bin join nos cu nos caminata cu ta mainta pa cana dushi den nos naturalesa den bario di Noord", Joanne Maduro a bisa.

Esun cu lo desea mas informacion riba e caminata lo por yama libremente na Imeldahof, tel 587-6085. Nan por cuminsa inscribi dor di yama nan of bo por pasa libremente na Imeldahof. □